



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

## **KOMISIJA ZA PROVOĐENJE JAVNOG OGLASA**

Na osnovu člana 8. stav (7) Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili Općine, u javnim ustanovama i javnim preduzećima čiji su osnivači Kanton, Grad ili Općina, te u privrednim društvima u kojima Kanton, Grad ili Općina učestvuju sa više od 50% ukupnog kapitala („Sl. novine Kantona Sarajevo“, broj: 9/19 i 21/19), člana 10. Pravilnika o unutrašnjoj organizaciji i sistematizaciji radnih mjesta JU „MES-Međunarodni teatarski festival- Scena MESS“ broj: 02-VI-369-1/18, od 13.06.2018. i člana 18. Pravilnika o radu JU „MES-Međunarodni teatarski festival - Scena MESS“ broj: 02-IX-482/19, od 10.09.2019. godine, Odluke o imenovanju Komisije broj: 01-IV-159/21 od 29.4.2021. godine, Komisija za provođenje javnog oglasa za utvrđivanje prijedloga za izbor zaposlenika u radni odnos u J.U. "MES - Međunarodni teatarski festival - Scena MESS", na prvom sastanku koji je održan dana 12.05.2021. godine donosi,

### **POSLOVNIK O RADU**

#### **KOMISIJE ZA PROVOĐENJE PROCEDURE JAVNOG KONKURSA ZA PRIJEM RADNIKA USTANOVE**

## **I. OPĆE ODREDBE**

### **Član 1.**

#### **(Predmet)**

Ovim Poslovnikom uređuje se način rada i odlučivanja Komisije za provođenje javnog konkursa za popunu upražnjenih radnih mjesta u J.U. „MES - Međunarodni teatarski festival - Scena MESS“ na određeno vrijeme i to:

1. Stručni saradnik za organizaciju – Umjetnički sektor Festivala MESS - 1 (jedan) izvršilac (u daljem tekstu: pozicija broj 1.)
2. Stručni saradnik za organizaciju – Umjetnički sektor Scena MESS - 1 (jedan) izvršilac (u daljem tekstu: pozicija broj 2.)

### **Član 2.**

#### **(Imenovanje Komisije)**

- (1) Komisije za provođenje javnog konkursa imenovana je Odlukom direktora Ustanove broj: 01-IV-159/21, od 29.04.2021. u sljedećem sastavu:



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

1. Dajana Gurda, zaposlenik ustanove
  2. Ira Isović, zaposlenik Ustanove
  3. Edin Mustafić, zaposlenik ustanove
- (2) Za sekretara Komisije imenovana je Naida Đugumović, a ista će obavljati administrativno-tehničke poslove Komisije.

### **Član 3.**

#### **(Načela)**

- (1) Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.
- (2) Komisija je u svom radu autonomna.

### **Član 4.**

#### **(Izuzeće članova Komisije)**

- (1) Član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena i u tazbinskoj liniji do drugog stepena.
- (2) O zahtjevu za izuzeće iz stava (1) ovog člana poslodavac donosi odluku najkasnije u roku od tri dana od dana podnošenja zahtjeva, a protiv ove odluke žalba nije dopuštena.

### **Član 5.**

#### **(Zamjena)**

Ukoliko predsjednik ili neki od članova komisije privremeno, trajno ili u dužem vremenskom periodu bude spriječen da vrši svoju dužnost, dužan je odmah obavijestiti poslodavca radi imenovanja zamjenskog člana.

### **Član 6.**

#### **(Propisi)**

Komisija provodi postupak utvrđivanja prijedloga za izbor radnika u skladu sa odredbama sljedećih propisa:

- Zakon o radu („Službene novine Federacije BiH“, broj 26/16 i 89/18);
- Uredba o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili Općine, u javnim ustanovama i javnim preduzećima čiji su osnivači Kanton, Grad ili Općina, te u privrednim društvima u kojima Kanton, Grad ili Općina



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

učestvuju sa više od 50% ukupnog kapitala („Sl. novine Kantona Sarajevo“, broj: 9/19 i 21/19);

- Kolektivni ugovor za djelatnost kulture u Kantonu Sarajevo („Službene novine Kantona Sarajevo“ broj: 52/19);
- Pravilnik o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“ broj: 02-VI-369-1/18, od 13.06.2018.;
- Pravilnik o radu J.U. „MES - Međunarodni teatarski festival - Scena MESS“ broj: 02-IX-482/19, od 10.09.2019. godine;
- Odluka Ministarstva Kulture i sporta Kantona Sarajevo o davanju saglasnosti Javnoj ustanovi „MES - Međunarodni teatarski festival - Scena MESS“ za popunu upražnjenih radnih mjesta na određeno vrijeme do jedne godine broj: broj: 12-30-5288/21 od 11.03.2021. godine.

### **Član 7.** **(Supervizor)**

- (1) Ured za borbu protiv korupcije i upravljanje kvalitetom Kantona Sarajevo je imenovao supervizora i zamjenika supervizora koji će vršiti nadzor nad provođenjem javnog konkursa.
- (2) Supervizor je nadležan da:
  - prati pravilnu primjenu odredbi ove uredbe prilikom raspisivanja javnog konkursa;
  - da nadzire rad Komisije, na način da prati rad Komisije od njenog imenovanja, da bude prisutan prilikom otvaranja pristiglih prijava na javni konkurs;
  - da vrši nadzor nad otvaranjem, pregledanjem i ocjenom pristiglih prijava na javni konkurs;
  - da prati način pripreme ispitnih pitanja za pismeni dio ispita i njegovu neposrednu kontrolu (pismeni dio ispita);
  - da može biti prisutan i nadzirati usmeni dio ispita (usmeni dio ispita);
  - kao i druga pitanja propisana ovom uredbom i poslovnikom o radu Komisije.
  - druga pitanja propisana Uredbom i ovim Poslovníkom.

## **II. RAD KOMISIJE**

### **Član 8.** **(Način odlučivanja)**

- (1) Komisija u radu radi u punom sastavu.
- (2) Komisija odlučuje o pitanjima iz svoje nadležnosti većinom glasova, a za svaku odluku smatra da je donesena, ako su za nju glasala najmanje dva člana.



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

## **Član 9.**

### **(Sastanci Komisije)**

- (1) Sastanci Komisije će se održavati na zahtjev predsjednika/ce Komisije, koji vodi sastanke i potpisuje sve donesene dokumente.
- (2) O svom radu Komisija vodi zapisnik, koji je sastavni dio dokumentacije, a isti potpisuje predsjednik i članovi Komisije i supervizor.
- (3) Zapisnik sadrži osnovne podatke o radu na sjednici, a naročito;
  - Datum, mjesto održavanja, vrijeme početka sjednice;
  - Imena prisutnih članova Komisije;
  - Ime i prezime predsjedavajućeg i zapisničara;
  - Predloženi i utvrđeni dnevni red,;
  - Definirane prijedloge po redoslijedu iznošenja,
  - Izdvojena mišljenja, potpis predsjednika i zapisničara;
  - U zapisnik se unose izjave na koje izričito članovi insistiraju da se unesu decidno.

## **Član 10.**

### **(Rasprava o tačkama dnevnog reda i vođenje zapisnika)**

- (1) Razmatranje i odlučivanje na sjednici Komisije vrši se po tačkama utvrđenog dnevnog reda.
- (2) O svakoj tački dnevnog reda otvara se rasprava i nakon toga se usvajaju odluke, prijedlozi i zaključci.
- (3) O toku sjednice Komisije vodi se zapisnik.
- (4) Zapisnik sadrži datum, mjesto i vrijeme održavanja sjednice, dnevni red, osnovne podatke o toku sjednice, prijedlozima iznesenim na istoj, sažeto izlaganje, rezultate glasanja, te usvojene odluke, prijedloge odnosno zaključke.
- (5) Zapisnik sa prethodne sjednice Komisije u pravilu se usvaja na sljedećoj sjednici.
- (6) Predsjedavajući i član Komisije ima pravo dati primjedbe na zapisnik, te zahtijevati da njegova primjedba bude unesena u zapisnik.
- (7) Usvojeni zapisnik potpisuju predsjedavajući i sekretar Komisije.



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

### III. POSTUPAK PROVOĐENJA JAVNOG OGLASA

#### Član 11.

##### (Postupanje po pristiglim prijavama)

- (1) Po isteku roka za podnošenje prijava na javni oglas, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.
- (2) Ispravnom prijavom smatra se prijava koja je potpisana od strane podnosioca i usklađena sa javnim oglasom, uz koju su priloženi svi dokazi o ispunjavanju potrebnih uslova iz pravilnika kojim se reguliše sistematizacija radnih mjesta, te koja je podnesena u roku određenom u javnom konkursu za prijem u radni odnos.
- (3) Spisak kandidata iz stava (1) ovog člana potpisuju svi članovi Komisije.
- (4) Komisija pisanim putem obavještava kandidate čija dokumentacija nije ispravna da nisu na spisku kandidata među kojima se provodi izborni postupak, sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana prijema obavijesti.
- (5) Komisija psanim putem obavještava kandidate među kojima se provodi izborni postupak o mjestu i vremenu održavanju ispita.
- (6) Kandidati koji pristupe provjeri radnih i stručnih sposobnosti, odnosno intervju, biće upoznati sa sastavom Komisije.
- (7) Komisija će provoditi postupak i zasjedati u prostorijama J.U. "MES - Međunarodni tetarski festival - Scena MESS".

#### Član 12.

##### (Provođenje ispita)

Komisija za radno mjesto za koje se provodi postupak javnog oglašavanja zasniva na razmatranju dostavljene dokumentacije, te održanom pismenom i usmenom ispitu sa svakim od kandidata.

#### Član 13.

##### (Pristupanje ispitu)

- (1) Pismeni i usmeni ispit kandidata je eliminatoran.
- (2) Kandidat koji ne pristupi ispitu, kandidat koji zakasni bez opravdanog obrazloženja gubi pravo daljnjeg učešća u konkursnoj proceduri.



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

#### **Član 14.**

##### **(Ocjena Komisije)**

- (1) Komisija je u svom radu autonomna i ocjenu donosi na osnovu diskrecione ocjene o kandidatu.
- (2) Kandidat koji svojim ponašanjem ometa rad Komisije, utječe na kompetentnost Komisije, ili na drugi nekorektan način se odnosi prema Komisiji biće eliminisan sa ispita uz pismeno obrazloženje Komisije direktoru Ustanove.

#### **Član 15.**

##### **(Utvrdjivanje ispitnih pitanja)**

- (1) Komisija utvrđuje ispitna pitanja najranije sat vremena prije održavanja ispita.
- (2) Ispitna pitanja se utvrđuju iz oblasti utvrđenih u članu 16. ovog Poslovnika

#### **Član 16.**

##### **(Ispitne oblasti)**

Provjera kandidata prijavljenih na javni oglas/konkurs za popunu upražnjene pozicije izvršit će se iz sljedećih ispitnih oblasti:

1. Zakon o pozorišnoj djelatnosti („Službene novine Kantona Sarajevo“, broj: 42/13 - Prečišćeni tekst i 6/16);
2. Pravila Javne ustanove „MES – Međunarodni teatarski festival - Scena MESS“ (broj: 257/16 od 10.05.2016. godine);
3. Zakona o ustanovama („Službene novine Kantona Sarajevo“, br. 6/92, 8/93 i 13/94);
4. Pravilnik o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“ broj: 02-VI-369-1/18, od 13.06.2018.

#### **Član 17.**


##### **(Pismeni ispit)**

- (1) Pismeni ispit se polaže u formi testa koji se sastoji od šest pitanja.
- (2) Pismeni ispit traje 60 minuta.

#### **Član 18.**

##### **(Način bodovanja)**

- (1) Komisija vrši bodovanje na sljedeći način:
  - a) pismeni ispit – od 0 od 60 bodova (60% od ukupnog broja bodova),
  - b) usmeni ispit / intervju – od 0 do 40 bodova (40% od ukupnog broja bodova).
- (2) Prilikom utvrđivanja ispitnih pitanja Komisija odlučuje o njihovom broju, te ista boduje na način utvrđen u stavu (1) ovog člana.



**J.U.MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

(3) Smatra se da je kandidat zadovoljio na pismenom ispitu ukoliko je osvojio najmanje 35 bodova.

(4) Kandidat koji nije zadovoljio na pismenom ispitu neće imati pravo pristupa usmenom ispitu.

### **Član 19.**

#### **(Usmeni ispit)**

(1) Komisija radi po principu postavljanja pitanja.

(2) Komisija za provjeru radnih i stručnih sposobnosti obavlja razgovor sa svakim kandidatom pojedinačno u vremenskom intervalu do 20 minuta.

### **Član 20.**

#### **(Kriteriji za usmeni ispit)**

Intervju obuhvata sljedeće kriterije:

- a) opće osobine,
- b) fleksibilnost,
- c) motiviranost i entuzijazam
- d) predznanje o poslu,
- e) relevantno radno iskustvo,
- f) analitičke sposobnosti i sposobnost iznalaženja rješenja,
- g) vještinu komuniciranja,
- h) potencijal za usavršavanje,
- i) dodatna znanja.

### **Član 21.**

#### **(Usmeni ispit)**

- (1) Usmeni ispit se sastoji od četiri pitanja.
- (2) Komisija utvrđuje pitanja iz stava (1) ovog člana neposredno prije održavanja usmenog ispita.
- (3) Svim kandidatima na usmenom ispitu postavljaju se pitanja istog ili sličnog sadržaja.
- (4) Pitanja koja se postavljaju na usmenom ispitu imaju za cilj da utvrde stepen znanja i sposobnost kandidata da obavlja poslove radnog mjesta za koje se provodi procedura prijema.
- (5) Kandidati se ocjenjuju na način da im svaki član Komisije dodijeli određeni broj bodova u rasponu od 0 do 40.



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

- (6) Broj bodova koje je kandidat ostvario na usmenom ispitu predstavlja zbir bodova dodijeljen od strane svakog člana Komisije podijeljen sa tri.

#### **Član 22.**

##### **(Konačna lista)**

- (1) Komisija na osnovu utvrđenih bodova na ispitu sačinjava Listu uspješnih kandidata.
- (2) Komisija je dužna Listu uspješnih kandidata sa bodovima dostaviti poslodavcu u roku od tri radna dana nakon obavljenog ispita.

#### **IV. ODGOVORNOST ČLANOVA KOMISIJE**

#### **Član 23.**

##### **(Odgovornost članova Komisije)**

- (1) Odgovornost članova Komisije je kolektivna i individualna odgovornost.
- (2) Članovi Komisije za svoj rad odgovaraju direktoru.

#### **Član 24.**

##### **(Odluka o prijemu u radni odnos)**

- (1) Poslodavac prima u radni odnos onog kandidata, koji se nalazi na prvom mjestu Liste uspješnih kandidata, a ako on ne prihvati zaposlenje, poslodavac prima u radni odnos sljedećeg kandidata sa Liste uspješnih kandidata.
- (2) Poslodavac je dužan odluku o prijemu u radni odnos donijeti u roku od tri radna dana od dana prijema spiska uspješnih kandidata.
- (3) Poslodavac obavještava kandidate sa Liste uspješnih o odluci o prijemu u radni odnos u roku od pet dana od dana donošenja odluke.
- (4) Uz obavijest iz stava (3) ovog člana kandidatima se dostavlja odluka o prijemu u radni odnos izabranog kandidata i Lista uspješnih kandidata sa bodovima.
- (5) Na obavijest poslodavca o prijemu u radni odnos, zainteresovani kandidat ima pravo prigovora drugostepenom organu utvrđenom osnivačkim aktom poslodavca.
- (6) Prigovor se izjavljuje u roku od najmanje osam dana.
- (7) Drugostepeni organ rješava po prigovoru u roku od 15 dana.
- (8) Odluka drugostepenog organa je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana.





## Član 25.

### (Prioritet pri zapošljavanju)

(1) Prilikom izbora kandidata prednost će imati kandidati koji po posebnom Zakonu o dopunskim pravima boraca-branitelja Bosne i Hercegovine („Službene novine Kantona Sarajevo“, broj:45/12- Prečišćeni tekst, 26/14, 46/17, 18/19, 20/20, i 24/20- Ispravka), Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 37/20) i Instrukcijama o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 38/20) imaju prioritet u zapošljavanju.

(2) Prioritet u zapošljavanju kandidati dokazuju odgovarajućim dokumentima (uvjerenje/rješenje) koje prilažu uz prijavu na javni konkurs, izdatu od nadležnog organa u skladu sa Uredbom o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama i Kantonu Sarajevo („Službene novine Kantona Sarajevo“, broj: 37/20) i to kako slijedi:

R. br.	Kategorija pripadnosti boračkoj populaciji	Naziv dokumenta	Naziv organa koji izdaje dokumentaciju
	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca  -Rješenje o priznatom pravu na porodičnu invalidninu za suprugu šehida poginulog, umrlog i nestalog branioca -Uvjerenje o učešću u Oružanim snagama za šehida-poginulog, umrlog i nestalog branioca	Nadležna Općinska služba  Grupa za pitanja evidencije iz oblasti vojne obaveze prema mjestu prebivališta
	Ratni vojni invalid	Rješenje o priznatom svojstvu ratnog vojnog invalida	Nadležna Općinska služba
	Dobitnik ratnog priznanja i odlikovanja	Rješenje o priznatom pravu na mjesečno novčano primanje u obliku priznanja	Nadležna Općinska služba
	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta

# MESS

J.U. MES

MEĐUNARODNI TEATARSKI FESTIVAL  
SCENA MESS

WWW.MESS.BA

Dijete: a) Ratnog vojnog invalida b) Dobitnika ratnog priznanja i odlikovanja c) Demobiliziranog branioca	a) Uvjerenje o statusu djeteta ratnog vojnog invalida b) Uvjerenje o statusu c) Rješenje o priznatom pravu na : - Mjesečni novčani dodatak ili - Uvjerenje o učešću	a) i b) Nadležna Općinska služba c) Nadležna Općinska služba ili Grupa za pitanja evidencije iz oblasti vojne obaveze prema mjestu prebivališta branioca u Oružanim snagama
--	---	--

## Član 26.

### (Vrednovanje)

Vrednovanje kandidata vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih i to za:

- a) dijete šehida, poginulog, umrlog, nestalog branioca bez oba roditelja 50%;
- b) lice u statusu člana porodice šehida/poginulih. umrlih i nestalih branioca, pri čemu djeca imaju prednost 35%;
- c) lice u statusu ratnog vojnog invalida i to od X grupe 27.5% + 0,3% za svaku narednu grupu invalidnosti do I grupe 27,5 – 30,2%;
- d) lice u statusu demobiliziranog branitelja za jednu godinu učešća 23,5% + 0,1% za svaki mjesec učešća u Oružanim snagama 23,5 - 27.1%;
- e) dijete ratnog vojnog invalida od X grupe 20.5% + 0,3% za svaku narednu grupu invalidnosti do I grupe 20.5 - 23,2%;
- f) dijete demobiliziranog branitelja sa jednom godinom učešća u Oružanim snagama 16,4% + 0.1% za svaki mjesec učešća u Oružanim snagama 16,4-20 %;
- g) lice u statusu dobitnika ratnog priznanja i odlikovanja dobija dodatno 10%;
- h) dijete dobitnika ratnog priznanja i odlikovanja dodatno 5%;
- i) lice u statusu organizatora otpora sa učešćem od 18.09.1991. do 15.10.1991. godine dodatno 3%;
- j) lice u statusu organizatora otpora, veterana sa učešćem od 15.10.1991. do 15.04.1992. godine dodatno po 0,3% po mjesecu u datom periodu 0,3 – 1,8%;
- k) lice u statusu maloljetni branitelj dodatno 2%;
- l) dijete umrlog demobiliziranog branitelja i ratnog vojnog invalida dodatno 1%.



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

## V. ZAVRŠNE ODREDBE

### Član 27.

#### (Tumačenja, izmjene i dopune)

- (1) Tumačenje odredbi ovog Poslovnika daje Komisija.
- (2) Izmjene i dopune Poslovnika vrše se po postupku njegovog donošenja.

### Član 28.

#### (Stupanje na snagu)

Ovaj Poslovnik stupa na snagu danom objavljivanja, isti će biti objavljen na oglasnoj ploči Ustanove, a primjenjivat će se do okončanja procedure javnog oglašavanja po javnom konkursu od 26.4.2021. godine objavljenom u dnevnom listu Oslobođenje, oglasnoj ploči ustanove, web stranici [www.mess.ba](http://www.mess.ba), web stranici Službe za zapošljavanje KS i web stranici Ministarstva kulture i sporta

Članovi Komisije za utvrđivanje prijedloga za izbor zaposlenika ustanove:

- Dajana Gurda
- Ira Isović
- Edin Mustafić

Sarajevo, 12.05.2021. godine  
Broj: 05-V-183/21

Dostavljeno:  
1x Direktor Ustanove  
1x Web stranica  
3x Članovima Komisije  
1x a/a